

Сийрат дарслари (46-дарс). Ким бизни алдаса, биздан эмас



СИЙРАТ
дарслари 46-дарс

ISLOM.UZ

Сийрат дарслари Шайх Мұхаммад Содик Мұхаммад Йосуф рохимахуллохнинг «Бу – Расуллоро соллаллоху алайҳи васаллам» таржима китоблари ва «Хадис ва ҳаёт» нинг 19-жузъи асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.

16:10 / 23.08.2019 6833

235. Анас ибн Молик розияллоҳу анҳудан ривоят қилинади:

«Расуллоро соллаллоҳу алайҳи васаллам: **«Уч нарса борки, улар кимда бўлса, иймон ҳаловатини топади: Аллоҳ ва Унинг Расули унинг учун икковидан ўзга ҳамма нарсадан севимли бўлиши; бир кишини фақат Аллоҳ учунгина севиши ва куфрга қайтишни худди оловга ташланишни ёмон кўргандек ёмон кўриши», дедилар».**

Бухорий ва Муслим ривоят қилишган.

236. Анас ибн Молик розияллоҳу анҳудан ривоят қилинади:

«Расуллоро соллаллоҳу алайҳи васалламнинг **«Сизлардан бирортангиз ўзи учун яхши кўрган нарсани биродари учун ҳам раво кўрмагунича мўмин бўла олмайди»**, деяётганларини эшитдим».

Бухорий ва Муслим ривоят қилишган.

237. Абу Умома Боҳилий розияллоҳу анҳудан ривоят қилинади:

«Расуллоро соллаллоҳу алайҳи васаллам айтдилар: **«Ким Аллоҳ учун яхши кўрса, Аллоҳ учун ёмон кўрса, Аллоҳ учун берса ва Аллоҳ учун ман қилса, иймонни комил қилган бўлади»**.

Абу Довуд, Термизий ва Ҳоким ривоят қилишган.

238. Абу Ҳурайра розияллоҳу анхудан ривоят қилинади:

«Расулуллоҳ соллаллоҳу алайҳи васаллам айтдилар: **«Ким бизга қарши қурол күтарса ва ким бизни алдаса, биздан эмас»**.

Муслим ривоят қилган.

239. Жундаб ибн Абдуллоҳ розияллоҳу анхудан ривоят қилинади:

«Набий соллаллоҳу алайҳи васаллам айтдилар: **«Ким мутаассибликка чақирған ёки мутаассибликка ёрдам берған ҳолида залолат байроғи остида қатл қилинса, жоқилият қатли билан қатл қилинган бўлади»**.

Муслим ривоят қилган.

«Расулуллоҳ соллаллоҳу алайҳи васаллам» китобидан